

FILEMÓNRE

Pablo jóaripũ

Pablo Filemónrē jóarigüe

¹Yũũ Pablo Jesucristoyere wederé wapa peresuwiipũ niigũ múãrē añudutia. Timoteo marĩya wedegubiro biigcã añudutii.

Filemón, mũũ ùsã menamacũ Jesucristoyere wedeapugure añudutia. ²Apia ùsãya wedego tiiróbiro biigócã añuãrõ. Teero biiri Arquipo ùsã tiiróbiro Jesucristoyere wedegú tutuaromena padegú añuãrõ. Teero biiri mũũya wiipũ neãrá Jesucristore padeorí põna macãrã añuãrõ.

³Cõamacũ marí Pacũ, Jesucristo marí Òpũ múãrē añuré ticoaro; añurõ niirecutiri tiiáro.

Pablo Filemónye maquērē wedeserigüe

⁴⁻⁵Yũũ Cõamacũrē sãirécõrõ mũũrē wãcũ, ùsenire ticoa. Mũũye queti tũoa: Mũũ marí Òpũ Jesurē maĩáyiyo; cũũrē padeoáyiyo. Teero biiri niipetira Jesurē padeorácãrē maĩáyiyo; cũãrē padeoáyiyo. ⁶Mũũ padeorére ãpẽãrē wedenetõnerí boogú, sãĩbo-sáa. Jesucristo marĩrē añurõ tii-

rere masĩpetiario jĩigũ, sãĩã. ⁷Yáa wedegũ, mũũ Jesurē padeoráre wãcũpatire manirá pũtuári tiiáyi-ro. Mũũ maĩrere tũogú, yũũcã bayiró ùseniã; yáa yeeripũnamena ùseniapua.

“Onésimorē añurõ ñeeña” jĩirigüe

⁸Teero tiigú, yũũ Cristo dutirémēna mũũ tiidugáre teedutíma-sĩpacũ, mũũrē dutiria. ⁹Yũũ mũũcãmerí maĩrere masĩjĩgũ, mũũrē sãĩã. Yũũ Pablo bũcũ niigũ, mecũtigãrē Jesucristoyere wederé wapa peresuwiipũ niigũ mũũrē sãĩã. ¹⁰Mũũ añurõ tiirí boogá Onésimorē. Yũũ ãno peresuwiipũ niirí, cũũ Jesucristore padeorére buawí. Teero tiigú, cũũ yũũ macũ tiiróbiro biigú niĩ.

¹¹Too sũguerõpũre Onésimo añurõ mũũrē tiiápubosaribojĩyi. ^aMecũtigãrē marí pũarãrē tiiápu-gũ niĩ. ^b¹²Yũũ cũũrē wiyapũtuõ-coa mũũrē. Cũũ yũũ bayiró maĩgũrē añurõ bocaya. ¹³Ñũũãtã, ãnorã pũtuácũmudutiboajĩyu. Yũũ Jesuyé quetire wederé wapa peresuwiipũ niiritabe, cũũ mũũ

^a1.11 Onésimo Filemónrē dutiapenori basocũ niimiyigũ. Filemónyere yaaári siro-gã, dutijóayigũ. Too síro Pablo pũtorũ jeayigũ. ^b1.11 Onésimo wãme “tiiápugũ” jiidũgaro tiiã.

padeboarere padebosai. ¹⁴Mũũrẽ sãĩñásugueripacu, “mũũ ãno pũtuáya” jĩĩmasĩriga. Teero tiigá, cũũrẽ wiyapũtuócoa, mũũ basiro ãñurẽ bese, tiiáro jĩĩgũ. ¹⁵Apetó tiiró, biiro wáaro wáajĩyu: Onésimo péerogã mũũ pũtore manicũtãrigũ niiãwĩ. Mũũrẽ cũũrẽ cõrucujããrõ jĩĩrõ, teero wáajĩyu. ¹⁶Atitóre mũũrẽ dutiapenori basocu dícu niiriqui sáa. Nemoró ãñurõ tiiápugũ niigũdaqui. Maríya wedegũbiro biigũ, marĩ bayiró maĩgũ niiĩ. Yũũ cũũrẽ bayiró maĩã. Mũũ doca nemoró maĩcú. Mecũãmena mũũrẽ dutiapenori basocu dícu niirii; cũũ Jesuré padeogú niijĩgũ, mũũya wedegũ tiiróbiro niiĩ.

¹⁷Marĩ pũarã Jesuré padeorã niiã. Teero tiigú, Onésimorẽ ãñurõ bocaya, yũũre bocagũ tiiróbiro. ¹⁸Cũũ apeyenó posari tiirí siro niirĩ, o mũũrẽ wapamórĩ, yũũre teeré wapaséwa. ¹⁹Yũũ Pablo yáa wãmomena ateré jóaa: Wapatĩgũda. Ateré mũũrẽ wãcũrĩ

tiidugáripacu, wãcũrĩ tiigúdacu: Yũũ Jesucristoye quetire mũũrẽ padeorĩ tiiwá. Teero tiiré wapa mũũ yũũre wapamóã. ²⁰Yáa wedegũ, mũũ Jesuré padeogú niijĩgũ, Onésimorẽ ãñurõ bocari boogá. Cristo tiiápuremena yũũre ãñurõ yeeripũnacutiri tiiyá.

²¹Yũũ mũũmena ãñurõ pũtuáa, mũũ tiíadarere masĩjĩgũ. “Tiigúdaqui” jĩĩ masĩtoaa. Teero tiigú, jóaa. Yũũ sãĩáriro nemoró tiigúdacu.

²²Atecárẽ jĩĩsirotigũda: Yũũ cãniíadarore quẽnoyúeya. Cõãmascũ múã sãĩrẽre tũorĩ, múã pũtorũ wáagũdacu.

Wedeyaponorigue

²³Epafras mũũrẽ ãñudutii. Cũũ yũũmena Jesucristoyere wederé wapa peresuwiipũ niiĩ. ²⁴Yũũre Jesucristoyere wederémena tiiápura Marcos, Aristarco, Demas, Lucas ãñudutiya.

²⁵Marĩ Õpũ Jesucristo múãrẽ ãñurẽ ticoaro.

Nocõrõrã jóaa.